

Acara Senam Sihat 5 Januari depan

UB 30-12-13 A5

KOTAKINABALU: Yayasan Dakwah Islamiah Malaysia (Yadim) Sabah, Universiti Malaysia Sabah (UMS) dan Bank Muamalat akan mengadakan Acara Senam Sihat pada 5 Januari ini.

Pengarah Yadim Sabah, Haji Samin Haji Ongki berkata program baru itu sebagai inovasi dan kreativiti dalam pengisian acara Sambutan Maulidur Rasul 1435H.

Acara Senam Sihat yang diadakan bermula jam 7 pagi itu akan disertai seramai 1,435 orang terdiri dari orang kenamaan, ketua-ketua jabatan, wakil-wakil jabatan persekutuan dan negeri, pensyarah, siswa siswi UMS, pemimpin-pemimpin NGO dan wakil media.

“Ia diharap berupaya menyemai amalan gaya hidup sihat, menyedarkan masyarakat terhadap perkaitan sukan/rekreasi dengan agama, mengeratkan ukhuwwah dan hubungan mesra dalam kalangan peserta,” katanya.

Menurutnya Ketua Menteri Datuk Seri Panglima Musa Haji Aman diberi penghormatan merasmikan acara itu di kompleks sukan UMS.